

Talamdan
sa Mga Mensahe alang sa Full-time Training
sa Spring Term sa 2024

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO

Mensahe 9

Gipugngan sa Gugma ni Cristo
ug
Magkinabuhi ngadto sa Ginoo

Basahong Kasulatan: 2 Cor. 5:14-15; Gal. 2:20; Rom. 14:7-8

I. Nagpugong nato ang gugma ni Cristo—2 Cor. 5:14:

- A. Ang Griyegong pulong nga gihubad og “nagpugong” nagpasabot og “pagduot...sa tanang bahin, pagkupert...sa usa ka tumoy, pugsanong paglimiti, gilimitihan sa usa ka tumong sulod sa gitinong mga utlanan, gisulod sa usa ka linya ug tumong (ingon sa sigpit, pinarilan nga dalan).”
- B. Ang pulong *nagpugong* mahubad sab og “nagpugos”; nagpugos ug pugsanong naglimiti nato ang gugma ni Cristo.
- C. Ang nagpugong nga gugma ni Cristo sa 2 Corinto 5:14 mao ang gugma nga nadayag didto sa krus sa pagpakamatay ni Cristo alang nato—Gal. 2:20.
- D. Kon kita pay gipapili, malagmit nga naa ta karon sa laing dapit:
 1. Dili kita ang mopili; ang gugma ni Cristo maoy nagpugong nato.
 2. Gikuha sa gugma ni Cristo ang atong pagpili, ang atong gusto.
- E. Gipugos ta ning gugmaha nga magkinabuhi dili ngadto sa atong kaugalingon kondili ngadto sa Ginoo—2 Cor. 5:15:
 1. Nagkinabuhi ang kalibotanong mga tawo ngadto sa ilang kaugalingon, apan gipugngan ta sa gugma ni Cristo aron magkinabuhi ta ngadto Niya ug dili sa atong kaugalingon.
 2. Kon buot tang magkinabuhi ngadto sa Ginoo, magpapugong gyod ta sa gugma ni Cristo; naglimiti nato kining gugmaha, naglimiti nato sa sigpit nga dalan nga nagdala nato sa bugtong-talagsaong tumong—ni Cristo mismo.
- F. Ihalad gyod nato ang atong kaugalingon sa Ginoo diha sa nagpugong nga gugma Niya—v. 14.

II. Namatay si Cristo alang nato aron dili na ta magkinabuhi ngadto sa atong kaugalingon kondili magkinabuhi na ngadto sa Ginoo—v. 15:

- A. Sa 2 Corinto 5:14-15 wala maghisgot si Pablo sa pagkinabuhi alang sa Ginoo, pinaagi sa Ginoo, o uban sa Ginoo; naghigot siya sa pagkinabuhi ngadto sa Ginoo:
 1. Ang pagkinabuhi ngadto sa Ginoo paghimo man Kaniya nga tumong sa atong pagkinabuhi; sa tanang buhaton nato, si Cristo gyod unta ang bugtong tumong nato—Rom. 14:7-8.
 2. Ang pagkinabuhi ngadto sa Ginoo nagpasabot nga gigiyahan ug gipugngan ta sa Ginoo aron magtuman sa Iyang sugo, magtagbaw sa Iyang tinguha, ug maghuman sa Iyang tuyo—2 Tim. 1:9; 3:10.
 3. Hugot nga nihukom ang mga apostol nga magkinabuhi ngadto sa Ginoo, magpahimuot Niya:
 - a. Bug-os silang nagpasakop sa Ginoo, nagpagiya, nagpapugong, ug nagpakontrol Niya.
 - b. Tanang gibuhat nila alang gyod sa paghuman sa tinguha ug tuyo sa Ginoo—2 Cor. 5:9, 15.
 4. Dili gyod ta magtinguha nga magpahimuot sa atong kaugalingon; magtinguha hinuon ta nga magpahimuot sa Ginoo sa pagkinabuhi nato ngadto Niya—v. 15.
- B. Namatay si Cristo alang sa atong mga sala aron mapasaylo ta, ug namatay Siya alang nato aron magkinabuhi ta ngadto Niya—1 Cor. 15:3; 2 Cor. 5:14-15:
 1. Dili lang nagluwas nato sa kamatayon ang kamatayon ni Cristo nga tungod niana dili na ta mamatay pa; nagpakinabuhi pa gyod kini nato, pinaagi sa Iyang pagkabanhaw, nga dili na nganhi sa atong kaugalingon kondili ngadto Niya:
 - a. Ang pagkinabuhi ngadto sa atong kaugalingon nagpasabot nga kita sa atong kaugalingon ang nagkontrol ug naggiya nato ug nga nagtagad ta sa kaugalingon natong mga tuyo ug tumong.

- b. Ang pagkinabuhi ngadto sa Ginoo nagpasabot nga ang Ginoo ang nagkontrol ug naggiya nato ug nga gusto tang motagbaw Niya ug motuman sa Iyang tuyo.
 2. Ang magkinabuhi ngadto sa Ginoo mas lalom pag kahulogan sa magkinabuhi alang sa Ginoo—Rom. 14:7-8:
 - a. Nagpasabot ang *ngadto sa Ginoo* nga ang Ginoo maoy tag-iya nato, nga Iyaha na ta; nagpasabot ang *alang sa Ginoo* nga kita gihapoy tag-iya nato ug uyon sa atong kalipayan ug kasayon.
 - b. Nagpasabot ang magkinabuhi alang sa Ginoo nga ako ug ang Ginoo duha pa gihapon; ang magkinabuhi ngadto sa Ginoo nagpasabot nga nausa ko sa Ginoo, maingon nga nausa ang asawa sa iyang bana sa kaminyoon.
- C. Ang pagkinabuhi ngadto sa Ginoo gibasi sa kamatuoran nga ang Ginoo maoy tag-iya nato; Iyaha ta—v. 8:
 1. Makaamgo gyod unta ta nga gipalit ta sa Ginoo sa dakong bili sa Iyang bililhong dugo—1 Cor. 6:19-20; 1 Ped. 1:18-19.
 2. Siya ang atong Ginoo ug Agalon karon, ug Iyaha ta.
 3. Ngadto Niya ang tanang naa nato, tanang buhaton nato, ug tanang pagkamao nato; bug-os nga Iyaha ang tanan, ug karon magkinabuhi gyod ta ngadto Niya.
- D. Sa kinatibuk-an, gipadayag sa 2 Corinto 4 ug 5 nga ang magkinabuhi ngadto sa Ginoo nagpasabot nga magkinabuhi sa kinabuhing gikinabuhi ni Ginoong Jesus:
 1. Nagsinati si Pablo sa pagpatay kang Jesus aron mapadayag sa iyang lawas ang kinabuhi ni Jesus—4:10-11.
 2. Masinati ngani nato ang pagpatay kang Jesus, makakinabuhi ta sa kinabuhing gikinabuhi ni Jesus—sa kinabuhing linansang sa krus; busa, ang pagkinabuhi ngadto sa Ginoo pagkinabuhi diay sa kinabuhing linansang sa krus.
 3. Magkinabuhi ngani ta ngadto ni Cristo, dili ta magkinabuhi sa atong tawo sa gawas; magkinabuhi hinuon ta sa atong tawo sa sulod, sa atong espiritu nga gipanganak pag-usab—v. 16.
 4. Ang pagkinabuhi ngadto sa Ginoo sa 2 Corinto 5:15 pareho ra sa paggawi uyon sa espiritu sa Roma 8:4.
- E. Magkinabuhi ta ngadto sa Ginoo pinaagi sa Iyang pagkabanhaw, sa lugwa sa Iyang kamatayon—2 Cor. 5:15:
 1. Sa atong kaugalingon, sa atong natural nga kinabuhi, dili ta makakinabuhi ngadto sa Ginoo; pinaagi ra sa pagkabanhaw ni Cristo—sa ato pa, pinaagi ra sa lugwa sa Iyang kamatayon—nga makakinabuhi ta ngadto Niya.
 2. Kanang gipugngan ta sa gugma ni Cristo nagpasabot nga nagpabilin ta sa Iyang kamatayon, nga magpadangat sa pagpahimulos sa Iyang pagkabanhaw, ug diha sa pagkabanhaw ni Cristo, magkinabuhi ta ngadto Niya—4:10-12; 5:15.
- F. Ang pagkinabuhi nato ngadto sa Ginoo nagpasabot nga Iyaha ta ug nga Siya ang atong Ginoo, nga namatay alang nato aron paliton ta ngadto Niya—Rom. 14:7-8; Bug. 5:9:
 1. Ang pagkinabuhi nato ngadto sa Ginoo pagpahayag man nga Iyaha ta ug nga Siya ang atong Ginoo—2 Cor. 5:15.
 2. Kay iya man ta sa Ginoo, himoon nato Siya nga bugtong tumong sa atong kinabuhi, ug magkinabuhi ta ngadto Niya.
 3. Gipadayag sa usa ka alawiton ang pagkinabuhi ngadto ni Cristo—“Jesus, magkinabuhi ko ngadto Nimo, / Ang Labing Matahom ug Labing Maayo; / Naa Nimo ang akong kinabuhi, naa nako ang Imong kinabuhi, / Sa Imong bulahang gugma mopahulay ko”—*Mga Alawiton*, #504, estansa 1.
- G. Ang pagkinabuhi ngadto sa Ginoo maoy tinuod nga kahulogan sa pagka-“full-timer”—ang entiro-panahong nag-alagad sa Ginoo—2 Cor. 5:15:
 1. Ang pagka-“full-timer” wala magpasabot nga biyaan nato ang atong trabaho.
 2. Nagpasabot ang pagka-full-timer nga tanan natong buhaton, buhaton nato ngadto sa Ginoo; tanan natong pagkamao, ngadto ta sa Ginoo, ug tanang naa nato, naa nato ngadto sa Ginoo.
 3. Ang ngadto sa Ginoo ug pagkinabuhi ngadto sa Ginoo nagpasabot nga nausa ta Niya.
 4. Dili ta magkinabuhi sa atong kaugalingon kondili ngadto sa Ginoo.
 5. Ingon niini gyod unta tang tanan—magkinabuhi ngadto sa Ginoo.